



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-206-4/22**

Datum: 29.08.2022. godine

„Agencija za vodno područje rijeke Save“ Sarajevo rješavajući po zahtjevu Investitora PG „BULUT-MILK-Kiseljak, vlasnik Bulut Dženita iz Kiseljaka, za izdavanje vodne saglasnosti za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj muznih krava planirane za izgradnju u K.O. Draževići, općina Kiseljak, na osnovu člana 139. tačka 4. i 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i i 61/22), donosi

RJEŠENJE **o vodnoj saglasnosti**

1. Investitoru PG „BULUT-MILK-Kiseljak, vlasnik Bulut Dženita iz Kiseljaka, daje se vodna saglasnost za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj muznih krava, kapaciteta 20 muznih krava, planirane za izgradnju općini Kiseljak na zemljištu označenom kao k.č. broj: 1555/3 K.O. Draževići a u skladu sa projektnom dokumentacijom:
 - Glavni projekat vanjskih hidroinstalacija za farmu za uzgoj muznih krava u Kiseljaku, investitora BULUT DŽENITA iz Kiseljaka urađen od strane ovlaštenog pravnog lica "IBIS" d.o.o. Zavidovići, august 2022 godine, revidovan od strane „HKP CONSULTING“ d.o.o. Banja Luka a u postupku pribavljanja odobrenja za gradnju.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije sve u skladu sa odredbama člana 114. stav (3) Zakona o vodama vraća investitoru na trajno čuvanje, a ista će se koristiti u postupku pribavljanja odobrenja za rekonstrukciju u smislu propisa o prostornom uređenju.
4. Vodna saglasnost se daje pod slijedećim uslovima:
 - 4.1. Radove na izgradnji objekata i sistema za prikupljanje, odvođenje i prečišćavanje otpadnih voda sa lokacije farme muznih krava izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova na sistemu prikupljanja, odvodnje i prečišćavanja otpadnih voda, objekata za zbrinjavanje tečnog i krutog otpada (stajnjaka) sa lokacije farme muznih krava, saobraćajnih i pripadajućih manipulativnih površina, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. Način ugradnje uređaja za tretman otpadnih voda i stavljanje istog u pogon uskladiti sa uputama proizvođača opreme u svim fazama.
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.

- 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine Federacije BiH“ broj: 31/15, 55/19, 41/20 i 63/22).
8. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom periodu ne bude pribavljeno odobrenje za gradnju i započeta rekonstrukcija objekata u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitoru PG „BULUT-MILK-Kiseljak, vlasnik Bulut Dženita iz Kiseljaka, pismenim zahtjevom zaprimljenim u ovoj Agenciji dana 29.04.2022 god., zatražilo je izdavanje vodne saglasnosti za ispuštanje tehnoloških otpadnih voda koje nakon upotrebe dopijevaju vode sa lokacije pogona (postojeća hala) za proizvodnju u postupku izgradnje i rada farme za uzgoj muznih krava i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta, kapaciteta 20 muznih krava, planirane za izgradnju općini Kiseljak na zemljištu označenom kao k.č. broj: 1555/3 K.O. Draževići u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija lične karte Bulut Dženite iz Kiseljaka
- Rješenje o obavljanju djelatnosti broj: 03-21-222/17 od 20.03.2017 godine izdato od strane Službe za gospodarstvo, urbanizam i prostorno planiranje Općina Kiseljak
- Rješenje o okolinskoj dozvoli broj: 03-19-185/21 od 19.03.2021 godine izdato od strane Službe za gospodarstvo, urbanizam, zaštitu okoliša i komunalne poslove Općina Kiseljak.
- Rješenje o prethodnoj vodnoj saglasnosti broj: UP-1/25-1-40-599-6/21 od 04.03.2022 godine izdato od strane „Agencije za vodno područje rijeke Save“ Sarajevo,
- Rješenje o urbanističkoj saglasnosti broj: 03-19-412/21 od 11.11.2021 godine izdato od strane Službe za gospodarstvo, urbanizam, zaštitu okoliša i komunalne poslove, Općina Kiseljak,
- Uplatnica za upravnu taksu u iznosu od 60.00 KM Federalne takse na zahtjev,

B. Tehnička dokumentacija

- Glavni projekat vanjskih hidroinstalacija za farmu za uzgoj muznih krava u Kiseljaku, investitora BULUT DŽENITA iz Kiseljaka urađen od strane ovlaštenog pravnog lica "IBIS" d.o.o. Zavidovići, avgust 2022 godine
- Izvještaj o izvršenoj kontroli tehničke dokumentacije od strane „HKP CONSULTING“ d.o.o. Banja Luka, avgust 2022 godine.

U provedenom postupku konstatovano je sljedeće:

Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica.

Lokacija planiranog objekta-farma muznih krava se nalazi na zemljištu označenom kao k.č. 1555/3 K.O. Draževići, općina Kiseljak.

Objekat je projektovan kao slobodnostojeći maksimalnih gabarita 18,40x10,40m+2x18,40x2,50m (dodatni zagrađeni dijelovi –koridori za boravak stoke izvan objekta). Kapacitet planiranih objekata je 20 grla muznih krava. Centralnim dijelom objekta prolazi hranidbeni hodnik širine 2,0m, a sa strane su rapoređena po tri boksa za po cca 3 muznih krava.

Unutar boksova će se nalaziti kanal za izdubljavanje širine 80,0 cm sa pragom, pri čemu se unutar kanala zadržava stajnjak sve do određenog trenutka dok ne dosegne količinu da prelije prag, pri čemu dalje ide prema osočari. Kanal će biti pokriven čeličnom rešetkom.

Tehnološke otpadne vode će se prikupljati sistemom kanala sa slivnim rešetkama u sklopu staja za muzne krave. Kanali će biti povezani sa đubrišnom jamom i i osočnom jamom. Otpadne vode iz osočne jame će se odvoziti na poljoprivredno zemljište.

Tehnološke otpadne vode iz prostora izmuzišta će se prikupljati sistemom slivnika u sklopu objekta i slivne rešetke koja se nalazi na platou za preuzimanje mlijeka. Slivne rešetke su povezane sa sanitarnim vodama odakle će se odvoditi na anaerobni uređaj za tretman otpadne vode. Prečišćene vode će se preko okna za monitoring ispuštati u upojni bunar.

Snabdijevanje vodom poslovnog objekta planirano je iz mjesnog vodovodnog sistema.

Podnosilac zahtjeva je pribavio okolinsku dozvolu broj: 03-19-185/21 od 19.03.2021 godine izdato od strane Službe za gospodarstvo, urbanizam, zaštitu okoliša i komunalne poslove Općine Kiseljak.

Podnosilac zahtjeva je pribavio Rješenje o urbanističkoj saglasnosti od nadležnog organa čime potvrđuje da predmetna lokacija nije u koliziji sa planskim dokumentima općine Kiseljak.

Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

U ispitnom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/25-1-40-599-6/21 od 04.03.2022 godine izdato od strane "Agencije za vodno područje rijeke Save" Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić dipl.inž.tehn.

Po ovlaštenju

Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- Bulut Dženita ul. Han Ploča 47, Kiseljak (Prilog-Ovjerena Tehnička dokumentacija navedena pod tačkom B obrazloženja Rješenja)
- AVP-ISV -Vodna knjiga
- Sektor 40, arhiva
- Oglasna tabla AVP-Sava Sarajevo